

皇都肅靖 奸宄不生 救災拔難
佑國康民 大都軌地 廟貌尊威
國崇祀典 禮儀精極 天下欽敬
率土歸心 禦災捍患 永鎮八方
香膏綿永 億萬斯春

天尊說是傷已。惟見龍興鶴駕。迎歸碧落之
天。萬聖千真。各返雲霄之內。
城隍上聖。頓首拜辭。留此真經。下傳世間。流
通廣誦。若邊經旨。受福無窮。
諸神歡悅。信受奉行。

太上老君說城隍感應消災集福妙經
都城隍真誥

杜稷古公。天下正神。銓福國顯忠之行。與善
善罰惡之仁。都邑之主。諸郡侍從。所隸十三
布政案判。一十八司。廟柱萬年。思扶德劫。設
作福作成之柄。造注生注死之權。運神力以
護郢川。遏陰兵而驅夷寇。至靈至聖。乃正乃
公。
護國保寧佑聖王威靈公感應尊神

太上洞玄靈寶五顯觀華光本行妙經。續入
爾時元始天尊於赤明劫初在大羅天上玉
清聖境清微天中九光元陽之殿與太上玉
晨道君太上玄元老君諸天上帝坐九色龍
鳳寶座垂十絕靈樞羽蓋玉童玉女散諸天

香寶花遍滿十方是時九鳳齊唱八鸞同鳴
天樂自響靈鳳聚煙獅子白鶴嘯歌雖離天
無氛穢山嶽蔽雲元始天尊現神通妙力垂
九色祥光天宮玄都莫不煥然下燭十方無
極世界俱同一相琉璃清瑩洞徹無碍表裏

分明十方無極飛天神王至尊大神一時同
會于時東方九炁青帝天君侍真靈官無執
教眾浮空而至南方三炁赤帝天君侍真靈
官無執教眾浮空而至西方七炁白帝天君
侍真靈官無執教眾浮空而至北方五炁黑
帝天君侍真靈官無執教眾浮空而至中央
一炁黃帝天君侍真靈官無執教眾浮空而
至雲集法會稽首恭敬感聽
元始天尊說無上玄元真一妙法諸天神仙
步虛旋繞三界侍軒同聲讚詠當此之時喜

屢難言幽閔重開並受光明苦爽幽魂一時
解脫時會中有長生度世真人萬福好生真
人慈悲普濟真人越班整佩執簡而出稽首
上白天尊言天尊大慈天尊大聖鑒開天地
運度陰陽為萬靈師為群生父母等宿緣流

慶得侍至真忝居真列今者得預大會拱聽
法音宣演重玄俱蒙開化恩不可量巨等伏
觀下方世界魔鬼流行侵害生民三災競起
五毒興行水火刀兵凶年饑饉死亡至眾甚
可哀傷未審以何因緣遭罹此苦恭惟天尊

至仁善貸開度群迷大宏濟度之門廣布慈
悲之化
天尊曰汝當攝念存誠吾當為汝演說善惡
因緣良久曰原夫上元之時人多淳朴與天
地同體惟道是修教化眾生使歸正道不為
物觸心廣體胖無有損傷克終壽命中元之
人惠謙和美厚之人施慈惠溫良之德存恤
孤寡拯濟飢貧後已先人務行方便下元之
人生處世間造惡不悛不修善行道德久廢
仁義不行不敬天地不禮三光不畏神明不

孝父母不忠君主不念師尊信從邪見不肖
本源損物害人欺心罔道貪婪無厭積惡招
愆恣縱六情莫知已極善惡童子四直功曹
糾察使者錄其罪目日夜上奏天庭由是三
官鼓筆五帝考書削字青編注名黑簿遂使

司命司錄司功司殺減算除年或在世非橫
連綿運意幸錯所謀不遂輒軻競生疫癘流
行致多天喪或命過之後淪沒九幽地獄之
中無有善念得脫幽閔凡此罪因皆由心造
諸真人聞是語已不勝哀憫再拜上白

天尊言臣等欲仗慈悲威光之力分身下降
人間救度衆生俾令男女慶世安穩去離邪
橫富貴長壽災害不生魔鬼潛消道化日顯
君明臣良國祚延永干戈屏息天下太平時
和歲豐萬民樂業伏望至尊俯從志願

天尊曰汝今欲令利益末世衆生方便啟明
發如是願善哉善哉且萬物吾生萬靈無化
救度衆生固當如是然不勞汝真烈汝當靜
念在心吾即為汝演說利益衆生救度之門
天尊曰三天境內有靈官大聖華光五大天

帥發弘誓願救度衆生攝伏群魔闡揚道化
威靈烜赫功德巍巍與道合真度人無量隨
聲赴感捍厄扶衰無願不從延生賜福或現
一身或顯五相或化為諸天天帝或化為梵
天帝身或化為吉祥如來或化為日露天主

或化為華光菩薩或化為天丁力士或化為
妙行真人以此種種神通隨攝攝化救度衆
生真人復問此靈觀文聖以何因緣位居天
帥現十方種種神通妙相
天尊曰此靈觀五大天帥稟五星五炁之精

毓五方五靈之秀化身三界應現十方掌三
界禍福之權持萬物生殺之柄吉凶悔吝悉
屬陶鑄若或有人一稱其名號曰靈觀大聖
華光廣化天君當知神通立現克副願心如
影隨形似聲應響昭然感格莫可稱量真人

復問曰仰惟
天尊好之德澤被三途恩露萬彙廣福天人
作度人之津梁啟歸真之徑路伏願特垂勅
旨遣降人間福國安民宣揚玄化天尊於是
以金簡玉符遣金童玉女勅召靈觀五大天

帥倏忽之間靈五大天帥恭臨法會長跪道
前上言臣等仰沐生成忝居真列今日大慶
特蒙勅召得詣瓊軒仰親天顏聽宣妙法
天尊曰世間男女不崇正化造惡不悛以矯
詐為本心以貪婪為已行放縱情慾背正向

邪積種種罪源莫知懺悔致使地祇劾奏天
律譴誅召惡招殃究釋纏結報對昭然毫分
不失又復有陣亡鬼兵下道妖邪伺人間隙
把入年命追魂攝人精氣與其邪黨侵害
良民或命未盡而遽亡或有全家而疾疫俯

觀此輩良可憫憐汝宜下降人間分身化氣
應現十方收攝群魔使歸正道俾下元之人
離諸患難見存眷屬悉獲安寧已往先親咸
皆超度爾時
天尊即說靈觀咒曰

玄元始祖 三炁氤氳 開明三景
頂立乾坤 保制劫運 使天長存
三天主帝 上帝高真 修真闡教
利物濟人 變調元化 福國安民
靈官大聖 華光之君 神通無極

上佐帝宸	分身化氣	三界遊巡
濟生度死	福善禍淫	禳災度厄
辟毒驅瘟	廣宣號令	役使雷神
手持金鎗	足踏火輪	火駝火鷄
飛焰星奔	金磚萬疊	雷火燐燐
天目一視	三界齊欽	順風千理
善惡皆聞	六丁六甲	三五將軍
雷公雷母	擲火流金	風伯雨師
播雨興雲	天丁力士	隊仗紛紜
封山破洞	鹹滅鬼神	魔精畏伏
潛跡海濱	敢有拒送	攝魄收魂
金鎗裂騰	鐵戟穿心	鑿天大斧
斬截其身	烏風一掃	化作微塵
九州社令	血食之賓	城隍主者
聽吾指陳	佐助玄教	積累殊勳
元始玉宇	八威龍文	普告三界
萬靈咸遵	急急如令	

宅舍百種形狀惱亂衆生凡有是諸患難善信男女速宜齋戒沐浴或於古觀靈壇或於本居淨室建立三清寶座五帝靈壇然香點燈獻花酌水投詞露懇拜表上車飯命三界高真靈官大聖持念真經誦誦神咒首懇謝過請福延生靈觀大聖應時感格部領五百靈觀大聖金磚金鎗火駝火車火鷄大將無面目大將軍白蛇大將軍順風千里使者五方雷神天將銅頭鐵面六天吏兵火部率衆流金擲火型雷轟雷一合下降掃蕩妖氛驅逐不祥肅清境界人鬼分離生民安泰靈觀元帥威神之吏莫可稱量凡有見聞各宜恭敬若復世間亢陽為沙積陰為鴟祝融扇禍江海失經或干戈互起人民流亡蟲蝗為妖畜食禾穢如是災難皆當依儀禮謝天地轉念真經皈命上玄祈恩請福即得國土清平風調雨順百物清潤河清海晏又若世人屋及衝戰祿馬休囚疾病纏綿求安無路或修墳立宅干犯土皇或官司牢獄冤枉不伸或疫厲流行人民困弊或江河轉運波浪驚危

或曠野山林惡獸奔突或夫妻刑隔嗣續未蕃或水陸經營惡人值遇或咒詛相仍侵凌眷屬或身懷六甲母子未分或在世孤貧謀為阻悔或門戶閉塞高養不生或買遷緣求財物散耗或塚訟微呼先亡後連如是等種種災難皆緣世人積惡深厚以致禍患來鍾福瑞希降若能依儀行道發志投誠剖露腹心皈依懺悔即獲平安神明護門道氣滋扶一切災難應時消散又若世間男女為先祖宗親父母亡沒起心薦拔冀微孝思即得鬼出幽閑逍遙快樂永辭沉結上生天堂是經功德不可思議存亡獲福善利無邊於是真人得聞語已誓願流傳讚嘆靈觀大聖而獻頌曰

高上太微 中有玄虛 五形全妙
練八 萬法希民 化身三界 變現十方
七 道合自然 國泰民康
 說是頌已法會衆真無缺仙聖咸皆稱善天尊再告真人曰世間男女能依吾所授奉教而行者皆道心深重宿有善緣專崇供養

萬災不千吉祥如意眾善齊降諸惡不生更
能於四時八節三元三會五臘十直甲子庚
申月且本命是諸良辰吉日如法自持自然
千真萬合福壽延長七祖九玄均獲超度更
能傳授世人敬信讀誦福利無邊是經功德

果報昭然不可思議

天尊說是經已靈觀大聖敬奉教旨下降人
間廣宣玄化十方天真大聖無鞅仙眾稱揚
讚嘆喜踊躍稽首禮謝

無上虛皇正真三寶作禮而退謹奉

道書敬為流傳

太上洞玄靈寶五頭靈觀華光本行妙經終

太上說通真高皇解冤經

爾時太上道君與諸聖眾在八審林下七寶
臺中羅列威儀敷陳道要怡神默坐如玉京
山放九色光明照福堂地獄見福堂之內男
女善人快樂無為過適自在復見諸地獄中

餓九窮魂以日繼夜受種種苦惱悉無人形
五體壞爛饑饉猛火湯飲鑄銅足履刀山身
負鐵杖徧體流血悲號徹天是時會中有一
真人名曰廣信從座而起稽首進前上白

天尊曰不審此苦窮魂生有何咎而受苦楚

老君曰受諸苦者在世之時不敬三寶欺負
神理十惡五逆不忠不仁不慈不孝殺傷物
命殺害眾生福盡壽終當受斯苦是時廣信
真人心生憐憫欲其拔濟幸望妙力威光許
令開度道君垂賜金言廣設法要為諸眾演

就是經名曰解冤拔罪流布於世利益存亡
若有善男信女專心志入靜室持齋焚香六
時行道轉念是經吾當隨願保佑真人使宿
世冤謝乘福超度幽冤苦爽各獲飛昇廣信
真人歡喜再拜而作頌曰

律我大道君

舟楫生死海

罪對不復遇

用神安可測

是時廣信真人與諸眾聞經既畢各各稽首

飯依信

受奉行

太上說通真高皇解冤經終

恒魯無量功

濟度超羅鄴

福報與真通

讚之馬能窮